

Bulu - Abé Asimesane Mintilan - Bad Mind Scriptures

Kalate Metata'a 26:35 Be mbe ajô ôlun mfa'a Izak a Rebeka.

Deuteronomie 28:65 Wo ye bo te tabe mvo'ë e zañe meyoñ mete a wo ye bo te bi e vôme abo si dôé e ne wo'on. Nti a ye bo na nleme wôé ô vuñ, e mise môé me kuli milik, ényiñe jôé é tôbane njuk.

Rut 1:18 Eyoñ Naômi a nga yene na Rut a tyi'ya fo'o na baa nye ba ke, a nji ke fe beta jô jam afe.

2 Samuel Baa 17:8 Nde Usayi a nga jô na: Wo yem ésoo a bôte bé! Be ne biwôlô bi bôt, ayok ane zo'o ya afan ba te wôlé bon. Esso a ne môta mewosan a a ye lôt alu ézezañe bôt;

Minkana 21:27 Metuna'a bebo abé me ne mbia jôm, a dañe dañ éyoñ ma veban a mbia ôsimesan.

Minkana 29:11 Akute môt da kulan ayaa dé ese, ve mfefek wo jé'é ayaa te éyoñ wo solé de.

Ezekiel 23:17,22,28 A bone ya Babilôn be nga ke be nye, asu ya kaban énoñe nye'an, be nga ve je mvin a ébamba jap a nga ve émiene mvin a be, mvus éte nleme wé ô nga kôlô be be, 22 Ajô te a Ôhôliba, nalé Nti nyô a ne Zambe a jô, ma nyô ma telé bibone biôé bi wosane wo, bi bi nga té wo nlem, a ma soo bie mevôm mese bi wosane wo. 28 Amu avale di Nti nyô a ne Zambe a jô na: Ma nyô! Ma kalane wo e mo me ba wo vini, e mo me ba be nga té wo nlem.

Ezekiel 36:5 Yaa, avale di Nti, nyô a ne Zambe a jô na: Yaa: E nduane y'abane dam étê, ma kobô me wosa'ane meyoñe mevok a Edom ase, mbe be nga nyoñe si jam é bo énjap a meva'a mese ya nleme wop a ébiasé ya nsisime wop, ane be ne sa miñyanebe y'été!

Ezekiel 38:10 Avale di Nti, nyô a ne Zambe a jô na: Môs ôte, asimesan da ye bete wo nlem, a wo ye bôndé fek é n'abé.

Daniel 5:20 V'a nga su'ulane bo mebun, njalan a nkobô ébiasé; ajô te Zambe a nga vaa nye éto njôane jé, a vaa nye duma.

Lukas 12:29 Ve mia, te jenañe jôme mia ye di, nge jôme mia ye nyu, a te tebane fe'e ne vema.

Mimboone Minlôman 12:20 Bôte ya Tir a Sidoñ baa be Hérôde be nga bili angônda beta étom. Be nga kui tyiñe na, ba ke yene nye. Blastus, mbo ésaé njô bôt a su'u be mvuse na be kôm étom évôvoé étê, a zene ya nlatane ngbwa. Amu mvolane ya si jap ô nga so ve e be njô bôt.

Mimboone Minlôman 14:2 Ve Beyude be nga bo te kpwéban a mejô map, be nga bé nsisime ziñ e zañe bobenyañ a e be meyoñe bikuu.

Rôme 1:28 A, mbôle be nga bo te yene mvaé ya ba'ale ñyemane wo so be Zambe, Zambe a nga li'i be e ñyemane ya te fek étê, amu ajô te be nga bo mam be nji yiane bo.

Rôme 8:6,7 Enyiñe minsôn ja su'ulan awu, ve ényiñe Nsisim ja su'ulan ényiñ a mvo'ë. 7 Amu ôsimesane mboone mame minsôn wo siñe Zambe. O nji ve

nkômbane Zambe mewôk, a ô nji bi ngul éte.

Rôme 11:20 E ne été nalé. Mi nga tyi'iban amu bijabô biap, ve wo ô ne été amu mbunan. Te bo mebun, ve viane ko woñ.

2 Koréñt Baa 10:5 a ngul ése ja liti ziñ, nje éte ja tebe ñyemane ya yeme Zambe e ngame yat. Bia bi ôsimesan ôse mbôk asu ya zuu wô na ô ve Krist mewôk,

2 Koréñt Baa 11:3 ve ma ko woñe na, avale Satan a nga won Eve a medu'ane mé, asimesane denan e bo te ndaman, a li'i tyi'ibi ényiñ a nlatan Krist.

Efeze 2:3 Bi nga to tañ éte été, bia bese fe bi nga ve biabebien e minkômbane ya minsône miangan e melu mvus. Bi nga bo minkômbane miap, a tôñe mintindane miap; a zene ya abialé, bi nga too fe ane bôte bevok, ayaa si.

Efeze 4:17 E jam ma kobô a yemete e be Nti e nde di: Te beta nyiñan ane meyoñe bikuu, mme atyeñe dap da ke zen é ne momo.

Kôlôs 1:21 A mia, mi nga too beyeñ e melu mvus, ba e mbe bete mbia mimboone miap mi nga dutu ayaa dé,

Kôlôs 2:18 Te kañesane na bôte b'éziñ be ve mia bijô, mbe ba yene mvaé ya bo mam me nsuubane si mfa'a ya atan a nkañane be éngele, a nyoñe miñyenane miab étua anen. Bôte mevale mete be ne njalan a zesé mebun, amu mfasane wop wo dañe fo'o ve wu bôt.

1 Tésalonik Ôsu 5:14 Bia lebe mia a bobejañ, komeka'ane ba ba nyiñ mbia ényiñ e tyabetyabe été, mi va'a ngule nlem e be ba be bili je tyôtyoé. Mia yiane bo biviala'a mintetek, lita'ane njiban e be bôte bese.

2 Tésalonik Baa 2:2 na mi nji yiane ji'a dañe jañele fek, nge ko woñ a nkulane mejô éziñ, nge njôan éziñ, nge kalate éziñ ba liti mia, aval ane nge mame mete ma so e be bia, a mame mete me ne bo mia mi buni na, e môse Nti ô soya.

1 Timôté Ôsu 6:5 mbia menyiñ a môman me ne te tyi'i e zañe bôt be bili mbia nsisim, teke nguleya yeme benya mejô. Ba buni na, mam ma fombô mbunan me ne anjeñe mebu'urban.

2 Timôté Baa 3:8 Aval ane Yanés a Yambrés be nga tebe Môze e ngame yat, avale te fe bôte bete ba tebe benya mejôô e ngame yat; be ne bôt be bili nsisim ézezam a mbunan ô ne atek.

Tite 1:15 Jôm ése é ne mfuban e be ba be ne mfuban. Ve mfa'a ba be ne mvin a ba bene buni, teke jôm é ne mfuban; Ve atyeñe dap a mone môte ya nleme wop be ne mvim.

Hébre 12:3 Yaa, mi simesa'ane nyô a nga jibi abime mewosane te mfa'a wé e señe bebo abé, ane a ne bo te li'i mia ntya'an a nyôle ne botok.

Yakob 1:8 Amu a ne môt a nee nleme nkaban, nyô a yeñelan.